

四庫全書

集部

欽定四庫全書

古詩鏡卷三十六

明 陸時雍 編

諧語

日中不彗是謂失時操刀不割失利之期執斧不伐賊

人將來

叶陵之反

涓涓不塞將為江河熒熒不救炎炎奈何

兩葉不去將用斧柯為虺弗推行將為蛇

叶唐何反
太公兵法引

黃帝

語

不行其野不違其馬

牆有耳伏寇在側

右管子

相馬以與相士以居

孔子家語

畏首畏尾身其餘幾

高下在心川澤含污山藪藏疾瑾瑜匿瑕國君含垢

室於怒市於色

無過亂門

唯食忘憂

右左傳

兄弟讒閹侮人百里

獸惡其網民惡其上

右國語

生相憐死相捐

人不婚宦情欲失半人不衣食君臣道息

田父可坐殺

右列子

截趾適履孰云其愚何與斯人追欲喪軀

柳子引古語

心誠憐白髮玄情不怡艷色媼

魯連子

堯舜千鍾孔子百觚子路嗑嗑尚飲十榼

孔叢子

人不小學不大迷不小慧不大愚

蘭芝以芳未嘗見霜鼓造辟兵壽盡五月之望的的者
獲提提者射

君子有酒鄙人鼓缶雖不見好亦不見醜

醜

業

醜

付

在類則好在類則醜

醜

醜者類上室也室

者類以槃故醜

醜

醜

醜

醜

醜

以為裳則宜以為冠則譏

心所說毀舟為杖

第

心所欲毀鐘為鐸

駿馬以抑死直士以正窮賢者擯於朝美女擯於宮

聖人處於陰衆人處於陽聖人行於水衆人行於霜

佐祭得嘗救鬪得傷

右淮南
鴻烈解

不習爲吏視已成事

千人所指無病而死

右漢
書

幾事不密禍倚人壁

穀弩射市薄命先死

右後
漢書

婦死腹悲惟身知之

風俗
通

仕宦不止車生耳

應劭漢官
儀引里語

一歲數赦好兒暗啞

王符
引諺

二人同術誰昭誰冥二虎同穴誰死誰生

桓譚
引諺

少所見多所怪

叶古
遺反

見索駝言馬腫背

年子引
古諺

洛鯉伊魴貴於牛羊

上山斫檀揆檀先殫

右詩
疏

四足之美有麋兩足之美有鵠

詩正義
引語

三月昏參星夕杏花盛桑葉白

河射角堪夜作犁星没水生骨

右四民月
令引農語

蜻蛉鳴衣裘成蟋蟀鳴懶婦驚

月令注
引里語

土長冒櫟陳根可拔耕者急發

汜勝之書
引古語

射的白斛米百射的玄斛米千

水經注
引諺

山川而能語葬師食無所肺腑而能語醫師色如土

方回

山經引

相冢書

越阡度陌互為主客

文選註
引古諺

猛虎不處卑勢勁鷹不立垂枝

蔣子萬
幾論

失晨之雞思補更鳴

魏武選
令引彥

乳犬獾虎伏雞搏狸

將飛者翼伏將奮者足跼將噬者爪縮將文者且朴

無鄉之社易為黍肉無國之稷易為求福

右古諺
古語

江河淮海天之奧府

暗昧冥語相傳註誤鬼魅所舍誰知臥處

背北相憎心意不同如火與金

蝠螺生子深目黑醜雖飾相就衆人莫取

朝生夕死名曰嬰鬼不可得祀

憂思約帶

斲破瑚璉股商絕後

貧鬼守門日破我盆

憂動胸臆莫與笑食

鵲笑鳩舞來遺我酒大喜在後授我龜紐

鳥鳴哺鷺長欲飛去循枝上下適與風遇

一夫兩心拔刺不深

庭燎夜明追嗣日光

泥面亂頭忍耻少羞日以削消

三人俱行一人言北伯叔欲南少叔不得中路分道爭

鬪相賊

鷓鴣娶婦深目窈身折腰不媚與伯相背

五心六意岐道多怪非君本志生我恨悔

仲冬兼秋鳥散飲憂

思初道古哀吟無輔

雪梅零墜心思憤憤

一指食肉口無所得染其鼎鼎舌饒於腹
口辨言疥行者畏忌

絕國異路心不相慕蛇子兩角使我相惡
鼻項移徙居不安坐枯竹後生失其寵榮
爪花瓠實百女同室醯苦不熟未有配合
歲暮花落君衰於德榮寵殞墜陰弃其室
載餽茹田破鉏失餐苗稼不闢獨饑於年
履蛇躡虺與鬼相視驚恐失氣如騎虎尾

草木瘡瘍花落葉亡

華言風語自相註誤

耕石不生卉禮無名縫衣失針襦袴不成

空曹注器豚彘不至張弓祝雞雄父飛去

簪短帶長出思苦窮瘠蠡小瘦以病之瘡

蔽鏡無光不見文章少女不市棄於相望

海老水乾魚鱉蕭索高落无潤獨有沙石

膠車駕東與雨相逢五檠解墮頓斬獨宿憂為身福

酒為歡伯除憂來樂福善入門與君相索
一衣三冠冠無所絆元服不成為身災患
桑華腐蠹衣敝如絡女功不成絲布為玉
跡行竊視有所畏避蔽目伏藏以夜為利
山林麓藪非人所處鳥獸無禮使我心苦
魂徵懅懅行曠聽絕擴然大通復更生活
千歲槐根身多斧痕傷夷倒掘枝葉不存
方船備水旁河燃火終身元禍

響像元形骨體不成微行衰索消滅無名
折挺春稷君不得食頭痒搔跟無益於疾
鷹飛退去不食其雛

憂在心腹內崩為疾禍起蕭牆意如制國
倨傀如儀前後相違言如鯢咳語不可知

秋風生哀花落心悲

左手把水如光與鬼不可得徒

安坐玉牀聽韶行觴

季蛇叔虎野心善怒


夾河為婚期至無船搖心失望不見所歡

羊頭兔足羸瘦少肉

遠視千里不見所視離婁之明無益於耳

久鰥無偶思配織女求其非望自令寡處

右易林



古詩鏡卷三十六